

ք. Երևան

«20» «10» 2021 թ.

«ՀՀ կրթության, գիտության, մշակույթի և սպորտի նախարարությունը (այսուհետ՝ Պատվիրատու)՝ ի դեմս նախարարության կանոնադրության հիման վրա գործող գլխավոր քարտուղարի պարտականությունները կատարող Վ. Գասպարյանի, մի կողմից, և «Կ. Ստանիսլավսկու անվան ռուսական պետական դրամատիկական թատրոն» ՊՈԱԿ-ը (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրեն Մ. Մխիթարյանի, մյուս կողմից, կնքեցին սույն պայմանագիրը (այսուհետ՝ Պայմանագիր) հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում է, իսկ Կատարողը ստանձնում է Պատվիրատուի կողմից հատկացված միջոցներն ուղղել արձանագրության ծրագրի 2021 թվականի հունվար-սեպտեմբեր ամիսների ծախսերի փոխհատուցմանը՝ համաձայն ՀՀ ԿԳՄՍ նախարարի 2021 թվականի հոկտեմբերի 18-ի N 108Ա/2 հրամանով հաստատված ծրագրի:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն պարտավոր է՝

2.1.1. Հատկացնել գումարը «ՀՀ 2021 թվականի պետական բյուջեի մասին» ՀՀ օրենքի «1168. Արվեստների ծրագրի» «11005.Մշակութային միջոցառումների իրականացում» միջոցառման «Աջակցություն ճանաչողական-կրթական ծրագրերին» տողով ՀՀ կրթության, գիտության, մշակույթի և սպորտի նախարարությանը նախատեսված անհատույց դրամաշնորհների հաշվին,

2.1.2. Պայմանագրի 6.1-ին կետով սահմանված ժամկետում ընդունել Կատարողի կողմից Պայմանագրի 2.3.2-րդ ենթակետով սահմանված կարգով ներկայացված հաշվետվությունները, ստորագրել հանձնման-ընդունման արձանագրությունը:

2.2. Պարավորություն իրավունք ունի՝

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից Պայմանագրի կատարման ընթացքը՝ չմիջամտելով վերջինի գործունեությանը:

2.2.2. Կատարողի կողմից Պայմանագրի 2.3-րդ կետով նախատեսված պարտավորությունները չկատարելու դեպքում հետ պահանջել փոխանցված գումարը, միակողմանի լուծել Պայմանագիրը՝ դադարեցնելով պայմանագրով իր վրա դրված պարտավորությունների կատարումը:

2.2.3. Պայմանագրի 6.1-ին կետով սահմանված ժամկետում Կատարողից պահանջել ներկայացնել Պայմանագրի 2.3.2-րդ ենթակետով նախատեսված հաշվետվությունը:

2.3. Կատարողը պարտավոր է՝

2.3.1. Պայմանագրից բխող աշխատանքներն իրականացնել՝ ապահովելով Պայմանագրի այլ պարտադիր պահանջները,

2.3.3. Մինչև Պայմանագրի 6.1-ին կետով սահմանված ժամկետի ավարտը Պատվիրատուին ներկայացնել հաշվետվություն (ֆինանսական և բովանդակային) իր կողմից իրականացված ծախսերի և կատարված աշխատանքի մասին: Ֆինանսական հաշվետվությունը պարունակում է հաշվարկի Պատվիրատուի կողմից հաստատված ձևանմուշով լրացված ձևը (հաշվարկի ծախսերը հիմնավորող հաշվապահական և այլ փաստաթղթերը գտնվում են Կատարողի մոտ), իսկ բովանդակայինը՝ ամբողջական տեղեկատվություն միջոցառման իրականացման և ընթացքի մասին, այդ թվում



արդյունքների գնահատումը, մասնակիցների քանակը՝ կցելով էլեկտրոնային կրիչներ՝ լրասնկարներ, հրավիրատոմսեր և այլն)։

2.3.4. Հրապարակել Պատվիրատուի անունը, իսկ համաֆինանսավորման դեպքում տրամադրել ամբողջական տեղեկույթ՝ աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին։

2.3.5. Պայմանագրի անբաժանելի մաս կազմող հավելվածի համաձայն կնքել գումարի փոխհատուցման պայմանագրեր նշված կազմակերպությունների հետ, բացառությամբ «Կ. Ստանիսլավսկու անվան ռուսական պետական դրամատիկական թատրոն» ՊՈԱԿ-ի հետ։

2.4. Կադրերողը իրավունք ունի՝

2.4.1. Պատվիրատուի կողմից Պայմանագրի 2.1.1-ին ենթակետով նախատեսված պարտավորությունները չկատարելու դեպքում միակողմանի լուծել Պայմանագիրը՝ դադարեցնելով Պայմանագրով իր վրա դրված պարտավորությունների կատարումը։

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Պայմանագրի 1.1-ին կետում նշված աշխատանքների իրականացման համար Պատվիրատուն Կատարողին հատկացնում է 16573.7 հազար (տասնվեց միլիոն հինգ հարյուր յոթանասուներեք հազար յոթ հարյուր) դրամ (ներառյալ հարկերը, տուրքերը և պարտադիր այլ վճարները)։

3.2. Պայմանագրի 3.1-ին կետում սահմանված գումարի 13811.4 հազար դրամը Կատարողին հատկացվում է Պայմանագրի կնքումից հետո, իսկ 2762.0 հազար դրամը Պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ Կատարողի գանձապետական հաշվեհամարին փոխանցելու միջոցով։

3.3. Համաձայն «ՀՀ 2021 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2021 թվականի ընթացքում ենթակա են վերադարձման ՀՀ պետական բյուջե։

4. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

4.1. Պայմանագրի 1.1.-ին կետում նշված և ամբողջությամբ կատարված աշխատանքները Կատարողի կողմից ներկայացվում են Պատվիրատուի ընդունմանը ոչ ուշ, քան Պայմանագրով սահմանված ժամկետում։ Պատվիրատուի կողմից դրանց ընդունման դեպքում այդ մասին կազմվում է ընդունման-հանձնման արձանագրություն։

4.2. Մինչև Պայմանագրի 1.1.-ին կետում նշված աշխատանքների ընդունման- հանձնման արձանագրության ստորագրումը Կատարողը պետք է Պատվիրատուին ներկայացնի Պայմանագրի կատարմանն ուղղված՝ իր կողմից փաստացի կատարված ծախսերի վերջնահաշվարկը։

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ ԵՎ ՊԱՅՄԱՆԱԳԻՐԸ ԴԱԴԱՐԵՑՆԵԼՈՒ ԿԱՐԳԸ

5.1. Պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում։ Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ Պայմանագրի կատարման համար խոչընդոտներ ստեղծելու, մյուս կողմին վնաս պատճառելու համար կողմերից

337

ՀՀ ԿՊՄԻՏԵ

յուրաքանչյուրը պատասխանատվություն է կրում մյուս կողմին պատճառած վնասների լրիվ ծավալով՝ օրենքով սահմանված կարգով:

5.2. Պայմանագիրը կարող է վաղաժամկետ լուծվել Կողմերից որևէ մեկի նախաձեռնությամբ՝ մյուս կողմի՝ Պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների լրիվ չափով փոխհատուցում:

5.3. Պայմանագիրը վաղաժամկետ դադարեցնելը կամ լուծելը Կողմերից որևէ մեկի համար այն կատարել շարունակելն աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում Կողմն իրավունք ունի կամ ստանալ Պայմանագրի 3.1.-ին կետով նախատեսված գումարի լրիվ փոխհատուցումը, կամ պահանջել Պայմանագրի հարկադիր կատարումը:

5.4. Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում Կատարողը Պատվիրատուին վճարում է տույժ՝ պայմանագրի գնի 0.05 (հինգ հարյուրերորդական) տոկոսի չափով՝ ուշացված յուրաքանչյուր օրացույցային օրվա համար:

6. ՊԱՅՄԱՆԱԳՐՈՎ ՆԱԽԱՏԵՍՎԱԾ ԱՇԽԱՏԱՆՔԻ ԿԱՏԱՐՄԱՆ, ՀԱՇՎԵՏՎՈՒԹՅՈՒՆՆԵՐԻ ՆԵՐԿԱՅԱՑՄԱՆ ԺԱՄԿԵՏԸ

6.1. Պայմանագրով նախատեսված աշխատանքների հաշվետվությունների ներկայացման ժամկետը մինչև 2021 թվականի նոյեմբերի 30-ն է:

6.2. Պայմանագիրը ուժի մեջ է մտնում Կողմերի ստորագրման պահից և գործում է մինչև Կողմերի պարտավորությունների ողջ ծավալով կատարման ավարտը:

7. ՎԵՃԵՐԻ ԼՈՒԾՄԱՆ ԿԱՐԳԸ

7.1. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են օրենքով սահմանված կարգով:

8. ԱՅԼ ՊԱՅՄԱՆՆԵՐ

8.1. Պայմանագիրը կազմված է 5 թերթից, կնքվում է 2 օրինակից, որոնք ունեն հավասարազոր իրավաբանական ուժ:

8.2. Սույն պայմանագրում լրացումներ ու փոփոխություններ կատարելու վերաբերյալ համաձայնությունները կազմվում են գրավոր և հաստատվում են Կողմերի ստորագրությամբ:

9. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

ՊԱՏՎԻՐԱՏՈՒ՝	ԿԱՏԱՐՈՂ՝
<p>«Հ կրթության, գիտության, մշակույթի և սպորտի նախարարություն Երևան, Վազգեն Սարգսյան 3 Կառավարական տուն 2 ՀՀ ՖՆ գործառնական վարչություն Հ/Հ 900011032878 ՀՎՀՀ 02698732 Գլխավոր քարտուղարի պարտականությունները կատարող՝ Վ. Գասպարյան Կ.Տ.</p>	<p>«Կ. Ստանիսլավսկու անվան ռուսական պետական դրամատիկական թատրոն» ՊՈԱԿ ք. Երևան, Արսլանյան 7 ՀՀ ՖՆ գործառնական վարչություն հաշիվ N 900018001272, հ/հի 02515823 հեռ.՝ /010/ 58-39-62 Տնօրեն՝ Ս. Մխիթարյան Կ.Տ.</p>

**Հաշվարկ
աբոնեմենտային ծրագրի 2021 թվականի հունվար-սեպտեմբեր ամիսների
ծախսերի փոխհատուցման (թատերահամերգային կազմակերպություններ)**

N	Կազմակերպության անվանումը	Աշակերտների քանակ	Ուսուցիչների քանակ	Ընդհանուր	Հատկացվող գումարը (հազ. դրամ)
	Թատրոններ, այդ թվում՝	35532	1943	37475	11242,5
1	«Ա. Սպենդիրյանի անվան օպերայի և բալետի ազգային ակադեմիական թատրոն» ՊՈԱԿ	819	77	896	268,8
2	«Գ. Սունդուկյանի անվան ազգային ակադեմիական թատրոն» ՊՈԱԿ	4440	287	4727	1418,1
3	«Կ. Ստանիսլավսկու անվան ռուսական պետական դրամատիկական թատրոն»	3017	86	3103	930,9
4	«Պետական կամերային երաժշտական թատրոն» ՊՈԱԿ	1471	108	1579	473,7
5	«Երևանի խամաճիկների պետական թատրոն» ՊՈԱԿ	1314	0	1314	394,2
6	«Սոս Սարգսյանի անվան համազգային պետական թատրոն» ՊՈԱԿ	751	47	798	239,4
7	«Երևանի մնջախաղի պետական թատրոն» ՊՈԱԿ	28	1	29	8,7
8	«Երևանի Հովհաննես Թումանյանի անվան պետական տիկնիկային թատրոն» ՊՈԱԿ	7952	483	8435	2530,5
9	«Գյումրու Վ. Աճեմյանի անվան պետական դրամատիկական թատրոն» ՊՈԱԿ	3136	215	3351	1005,3
10	«Վանաձորի Հ. Արեւյանի անվան պետական դրամատիկական թատրոն» ՊՈԱԿ	1428	135	1563	468,9
11	Գյումրու «Ստեփան Ալիխանյանի անվան տիկնիկային թատրոն» ՀՈԱԿ	1397	65	1462	438,6
12	«Վանաձորի տիկնիկային թատրոն» ՀՈԱԿ	277	19	296	88,8
13	«Հ. Ղափլանյանի անվան դրամատիկական թատրոն» ՀՈԱԿ	740	41	781	234,3
14	«Երևանի պատանի հանդիսատեսի թատրոն» ՀՈԱԿ	8762	379	9141	2742,3
	Համերգային կազմակերպություններ	8223	340	8563	2568,9
1	«Կամերային երաժշտության ազգային կենտրոն» ՊՈԱԿ	241	22	263	78,9
2	«Թ. Ալթունյանի անվան երգի-պարի պետական համույթ» ՊՈԱԿ	1066	86	1152	345,6
3	«Գյումրու ժողովրդական գործիքների պետական նվագախումբ » ՊՈԱԿ	6325	206	6531	1959,3



«Գյումրու պետական սիմֆոնիկ նվագախումբ» ՊՈԱԿ	591	26	617	185,1
Ընդամենը՝				13811,4
ԱԱՀ*				2762,3
ԸՆԴԱՄԵՆԸ, ներառյալ ԱԱՀ				16573,7

* ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման Կատարողի կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

ՀՀ կրթության, գիտության, մշակույթի և սպորտի նախարարություն
 Երևան, Վազգեն Սարգսյան 3
 Կառավարական տուն 2
 ՀՀ ՖՆ գործառնական վարչություն
 Հ/Հ 900011032878 ՀՎՀՀ 02698732
 Գլխավոր քարտուղարի պարտականությունները կատարող՝
Վ. Գասպարյան



ԿԱՏԱՐՈՂ՝

«Կ. Ստանիսլավսկու անվան ուսսական պետական դրամատիկական թատրոն» ՊՈԱԿ
 ք. Երևան, Արուսյան 7
 ՀՀ ՖՆ գործառնական վարչություն
 հաշիվ N 900018001272, հվհի 02515823
 հեռ.՝ /010/ 58-39-62

